

Diembargo sehingga

9.30 malam, Sabtu, 3 September 2022



BULAN BAHASA 2022

BELIA MEMPEBAHARUI CINTA UNTUK BAHASA MELAYU

3 September 2022 – Majlis Bahasa Melayu Singapura (MBMS) mempersembahkan majlis pelancaran Bulan Bahasa 2022 pada Sabtu, 3 September 2022 8.30 malam di saluran Mediacorp Suria. Majlis tersebut dilancarkan oleh Menteri di Pejabat Perdana Menteri, juga Menteri Kedua Pendidikan merangkap Ehwal Luar, Dr Maliki Osman. Majlis pelancaran ini kini boleh ditonton di MeWATCH.

Sebuah Program yang Mengetengahkan Bakat-Bakat Muda

Tahun ini, majlis pelancaran Bulan Bahasa menampilkan bakat-bakat muda, dengan iringan muzik menarik susunan Duta Bahasa, Megat Firdaus. Program kali ini mengetengahkan persembahan dan dendangan lagu oleh artis-artis muda seperti Qis Maraj, Syaz Smooth dan Rahila Rashun yang mendendangkan lagu-lagu malar segar dengan sentuhan moden. Dalam program ini, terdapat juga deklamasi sajak oleh penggiat Bahasa Melayu dan kesusasteraan, Afi Hanafi bersama Duta-duta Bahasa yang baru dilantik, iaitu Hans Hamid dan Fir Rahman.

Untuk mengekalkan semangat belia dalam menggalakkan minat terhadap bahasa Melayu, program itu turut menampilkan Rakan Bahasa dari Sekolah Perempuan Haig dan Sekolah Perempuan Methodist Paya Lebar (Menengah). Dalam segmen ini, mereka berkongsi aspirasi dan penglibatan mereka dalam Bulan Bahasa 2022. Mereka juga sempat berinteraksi dengan Duta Bahasa Hans Hamid dan Fir Rahman dalam sebuah kuiz.

Elemen Utama dalam Program: Pantun

Pantun merupakan elemen utama dalam program yang meriah itu. Sepanjang program tersebut, hos Adi Rahman dan Huda Ali balas-membalas pantun bersama Dr Maliki Osman, Prof Faishal Ibrahim (Pengerusi MBMS) dan Puan Rahayu Mahzam, (Duta Bahasa dan Pengerusi Jawatankuasa Bahasa Bulan). Adi Rahman dan Huda Ali juga sempat mengajak penonton di studio membalas pantun. Persembahan lagu bertajuk 'Pantun Bulan Bahasa' oleh ahli MBMS, Shahril Samri dan penyanyi dan penulis lagu Ryan Sufiyon juga mengetengahkan elemen pantun. Lirik lagu ini menampilkan pantun-pantun karya Shahril, dengan muzik ciptaan Duta Bahasa Megat Firdaus.

Diembargo sehingga

9.30 malam, Sabtu, 3 September 2022



Mengenai Bulan Bahasa anjuran Majlis Bahasa Melayu Singapura

Bulan Bahasa pertama kali dilancarkan pada tahun 1988 oleh Majlis Bahasa Melayu Singapura (MBMS) dan diadakan dua tahun sekali. Sejak 2011, ia menjadi sambutan tahunan yang terus menarik minat, penyertaan dan sokongan masyarakat.

Sebagai daya usaha unggul MBMS, Bulan Bahasa menggalakkan masyarakat menghargai dan menggunakan bahasa Melayu dalam kehidupan mereka dalam usaha melestarikan warisan masyarakat Melayu.

Untuk maklumat lanjut mengenai MBMS dan Bulan Bahasa, sila lungsur mbms.sg, [@bulanbahasa](https://www.instagram.com/bulanbahasa) di Instagram dan [facebook.com/majlisbahasa](https://www.facebook.com/majlisbahasa). Untuk Kalendar Acara Bulan Bahasa 2022, sila klik “Muat Turun Kalendar”.

Tema Bulan Bahasa

Tema Bulan Bahasa ‘Cita. Citra. Cinta. Bahasa Kita.’ menggambarkan langkah kita mengharungi era baharu. ‘Cita’ menggambarkan keinginan, hasrat dan harapan masyarakat dalam usaha untuk mengekalkan kerelevanan penggunaan bahasa Melayu. ‘Citra’ memaparkan kepelbagaian dan kesesuaian bahasa Melayu sebagai bahasa ilmu dan perantaraan. ‘Cinta’ pula memaparkan minat masyarakat untuk menyayangi nilai dan seni bahasa Melayu yang indah.

Diembargo sehingga

9.30 malam, Sabtu, 3 September 2022



Lampiran A

Gambar-gambar di Sebalik Tabir Majlis Pelancaran Bulan Bahasa 2022



Duta Bahasa



Dr Maliki Osman (Tetamu Kehormat, *ketiga dari kanan*), Sabariah Ramlian (Ketua Eaglevision dan Penglibatan Penonton Melayu, Mediacorp, *kedua dari kanan*) bersama ahli MBMS dan Jawatankuasa Bulan Bahasa, dan Duta Bahasa



Dr Maliki Osman (Tetamu Kehormat) bersama Prof Madya Faishal Ibrahim, Puan Rahayu Mahzama, Zhulkarnain Abdul Rahim dan Mohd Fahmi Aliman.

Diembargo sehingga

9.30 malam, Sabtu, 3 September 2022



Fir Rahman dan Hans Hamid (Duta Bahasa, *hujung kiri dan kanan*) bersama Abdolah Lamat, (penggubah lagu tema Bulan Bahasa, *kedua dari kiri*) dan Asnida Daud (Duta Bahasa, *kedua dari kanan*)



Salah satu pononton studio membalas pantun bersama hos



Rashila Rashun dalam sebuah persembahan lagu



Afi Hanafi dalam sebuah deklamasi sajak



Fir Rahman dan Hans Hamid (Duta Bahasa) dalam sebuah deklamasi sajak



Shahril Samri dan Ryan Sufiyan dalam sebuah persembahan lagu

Diembargo sehingga

9.30 malam, Sabtu, 3 September 2022



Qis Maraj dan Syaz Smooth dalam sebuah persembahan lagu

Untuk memuat turun gambar, sila lungsur [pautan](#) ini.